



*"E koro Rapata kia hira to reo,  
Kia piki ai ra to nuinga i-awa ...!"*

### WHIRA-MAHERA RORE RAPATA.

E koa ana matou i to matou aheitanga ki te ta i te whakaahua o Tianara Rore Rapata hei titiro nia nga kai-tautoko o Te Pipwharaura, hei matakitaki ma ratou i te tangata rongo-nui atu i te ao i euei ra -- te tangata kei roto nei i te kapu o tona ringa te o a te mate ranei mo Ingarangi. He mea pai kia tohungia tenei nana o Te Pipwharaura, otira nga nama katoa, ka whakapukapuka ai, hei hurahura a nga ra o muri ake nei. I te mea kua nui rawa a matou korero mo Rore Rapata i nga putanga o mua o Te Pipwharaura, e kore e rawaka rawa nga kupu inaianei. Ina tonu te mea nui ko te kaupapa o nehe kua tangia nei e matou.


I mea a Huriana Raapa, he tangata tuku korero mo tetahi nupepa nui o Ingarangi, i ana kupu whakanui mo Rore Rapata: "Kahore ano ia kia rangona e kanga ana, a he raruua nua iho nga tangata pera me Rapata te urunga o tona whakapono hei whakahae i nga mahi katoa o tona orange. Kaore ia e whakaatu ana i tona pai, kahore hoki e to i te tangata ka rite te whakaaro ki tona, otira o te timata-

tanga mai o tenei whawhai a tae noa mai ki nainei he rite tonu tana haere ki te karakia i ia Ratapu, i ia Ratapu. Kahore ia e tono i ana apiha kia haere ki te karakia, otira ko ia ake o kore rawa e hapa te haere -- he tauira kei te ngoto ki roto ki te ngakau o tana ope i a ratou e titiro tonu ana ki tona u pono. I tana tangohanga i te Hapa a te Atiki i Tarai-poteini, i tana ope katoa e matakitaki ana, ehara i te mea hei whakaatu mana i tona whakapono. I kite te mano i mohio hoki i tango ia i runga i te ngakau tapatahi."

I tuihitihi tetahi miniti o te, ope a Rapata ki Ingarangi, i mea; "Kei raro matou i te whakahae a te tianara pai atu i te ao. E kore rawa koe e mohio ki te tino kaha o te aroha o nga hoia katoa a Rapata ki a ia. I arohaina ai ehara i te mea na ana raweke, na te pai o te ahua, o te reo ranei, kaore, engari na te mea e heke tonu ana te waiu o te aroha i roto o tona ngakau. E kite ana te katoa. Ahakoa pehea te kino te tauu o te hoia e noho atu nei, otira i te kitenga i te pai o Rapata, i tona ngawari, whakaiti, aroha, e kore rawa e hapa te pirangi ki a ia.

I whakamili a Rapata mo tona ope, i mea ia, 'ko te ope tino pai atu i te ao' kaore e tutu kaore e kaha te baurangi. E hia mano ranei o nga hoia katoa kei Awherika inaianei e kore rawa e pa ki te waipiro. "Kaore he tianara e rite kia Rore Rapata te pirangitia, te whakarongotia, te whakawhirinakitia, te arohaina."

To te rangatira tona tu! Kei ko mai etahi rangatira e whakataurakareka ana i a ratou, e kai waipiro ana, e mahi ana i te kino, kia pirangitia ai e te tamariki taane, kia whakanuia ai e te tangata. Kei nga ngutu noa iho iana te whakanui mo te tangata kino, tena kei te ngakau he whakahawea.



### HE APAKURA.

Kua rongo katoa te tangata ki te matenga toa o te tama kotahi a Rore Rapata i te whawhai ki te Awa o Tukera, i a Tianara Pura e whai ana ki te whakaora i Reirimete. I mate a Rewhetei i Honore Perere Rapata i te whakaoranga i nga pu-repo. Tae atu ana te rongo kia Rore Rapata i Ingarangi kua hinga tona tama, ko te ra ano tera i tonoa mai ai ia e te Kawanatanga kia haere mai ki Awherika hei kai-whakahae mo te whawhai. I maringi mai ona roimata ki te huarahi, ko tona wahine me ona tamaahine i whakareerea atu i roto i te whare-pouri. I ki a Reiri